

延祐四明志

卷五

人物攷中

史浩

史浩字直翁祖父詔善居閭里民有鬪訟嘗從詔求直不復訟官府以八行科徵於朝不應浩以南省前行當得教官浩願習民事初補餘姚縣尉後沈煥袁燮以舍

延祐四明志

卷五

一

法辭教官繇浩始為國子博士召對高宗目送之時建普安恩平二王府即除祕書郎兼普安郡王府教授上嘗命普安王書蘭亭五百本以進浩曰此乃趙鞅訓戒之旨王溢其數以進上復賜宮女十人以侍王浩曰當以庶母礼事之王如其言高宗益賢普安遂為皇子封建王浩之力也完顏亮寇江上將親征建王上奏請將兵為前驅浩時在告力疾詣府啟王曰昔唐肅宗能從明皇幸屬靈武事安有王大驚亟具奏謝罪遂從高宗

元 袁楠 撰



視師以歸由是立為太子普安即位是為孝宗浩遷中書舍人十日為翰林學士逾三月參知政事明年拜尚書右僕射同中書門下平章事兼樞密使孝宗銳意恢復張魏公浚屢奏取山東開都督府諸上幸建康浩曰太上倦勤禪位陛下若奉以行太上寧能肯與俱往都城一有驚動陛下何以處太上孝宗悟其言後竟繇禁中命趙宏淵等出兵公語僕射陳康伯曰吾屬兼樞密岳出不與聞所宜去遂見上丐罷浩歸府十四日符離

延祐四明志

卷五

二

師潰凡一十三萬人浚上表自劾復勸上速議和後知紹興府復判復州淳熙五年拜右丞相在相位七月即罷浩再相時朱熹教授生徒于建寧山中浩力挽之繇是出守南康雅度涵蓄凡議毀浩者浩悉獎引之善薦士陸游賜進士出身繇浩力在經筵嘗薦薛叔似陸九淵葉適等十五人又薦金安節汪應辰三十四人後皆顯達兩授節越遍歷三公壽八十九以終始謚文惠後更忠定追封越王歷官表奏皆手屬藁耄歲不稍倦文

集五十卷號真隱漫錄論語口義二十卷尚書講義二  
卷二十二卷周官講義十四卷長子彌大終禮部侍郎力  
學勵行著衍極朴語謚獻文彌正敷文閣侍制彌遠別傳  
彌堅別傳

### 魏杞

魏杞字南夫繇焦山徙于鄞紹興十二年進士第歷縣  
有能名後遷宗正以卿丞相湯思退薦于孝宗言可備  
使聘遂假禮部尚書使金國行次盱眙金人以萬騎脅

### 延祐四明志

卷五

三

之杞不為動卒奉禮幣以往于時隆興議和改君臣獻  
納禮孝宗以書封授杞杞行近地界心動亟曰白上曰  
國書封滕不知為何事彼震怒凌辱將倉猝占封失國  
體願陛下諭意臣願以死承紹上大悟始盡語書旨初  
上不言懇杞畏而懇辭行耳杞至金金主果怒使絕食  
困杞杞言宋皇帝意銳恢復將使兩國之民俱受塗炭  
羣臣交奏迭諫故更進和議誠與太上皇帝時言和不  
同也使不允杞死此耳金主悔卒正敵國禮減歲幣舊

數以歸孝宗大喜除起居郎遷給事中乾道二年拜同知樞密參知政事明年補右僕射時大雷葉衡與杞俱罷為太平興國公使史浩舊與杞為餘姚尉交代入言於上得視宰相恩數除觀文殿學士後以所薦吏犯贓降端明殿十年復大資政而杞卒謚文節杞能詩居小溪遍游諸名山習方外學絕不言時政文集三十卷號山房集晚著三蘇言行編初杞祖父葬焦山後孫明登宰輔移葬于鄞葬師云若果遷將不利相君不從後以

延祐四明志

卷五

四

雷夔罷宰相褫職孝宗朝葉顥魏杞為最重

汪大猷

汪大猷字仲嘉年四歲對客誦孝經止十七章客問十章何以不誦以具慶對客大奇之登進士第為婺州余華<sup>丞</sup>李椿年行經法界量田不實者論徒罪大猷言法峻民未逾益有田多而增多者少固受罪多何所從取李然其言減其罪乾道元年擢禮部員外郎即遷吏部侍郎兼權尚書是時法度數變更吏得高下大猷上

疏總其事定為勅令格式後率以其凡例增補之七年  
除敷文閣侍制知泉州海中有大洲居民雜值五穀有  
海蠻乘船掩獲之調兵討之輒入水不可捕春夏遣戍  
煩擾大猷立屋柵以居蠻乃遁三劄齊欲禱銅瓦于泉  
詔許之大猷言銅不宜入海卒不與以敷以直學士改  
知隆興府茶寇賴文政起湖北轉掠湖南入江西大猷遣  
將蹇之將輕寇大猷自劾以歸降龍圖閣侍制上怒謫  
官南康二年始復祠有言于南康者笑曰大猷今年逾

延祐四明志

卷五

五

逾五十使以恩科得官為是尉不賀我乎紹熙二年致  
仕慶元五年升學士卒時年八十大猷性坦夷敦叙姻  
黨遇大祀先奏兄弟之子割田二十畝為義莊首倡于  
立中為郡守始登第為立符桂芳坊

高元之

高元之字端叔武烈王瓊之七世孫建安間衣冠南渡  
父寓籍明州因家焉家貧無書得易編口誦不輟數月  
忘盥櫛鄰士有書深憐之稍借以觀後受易春秋學于

沙隨程迴時傳伯成為郡教授少許可折節與之交遊  
繇是鄉學數百人師事之元之嘗作變離騷九篇曰愍  
畸志曰臣薄才曰惜來日曰感回波曰力激曰危衰曰  
悲蟬娟曰古誦曰繹思行于世宋儒諸擬騷弗能及也  
集春秋說三百餘家號義宗悉本經旨凡五十卷易詩  
詩論語後漢歷志解各一卷詩三千雜著五百號茶甘  
甲乙藁五上禮部卒不第而門人俱顯仕將死手屬書  
樓宣獻鑰以陽公于南省白欄求誌文貧不能葬門人

延祐四明志

卷五

六

會葬于仙源鄉蔣山買田立祠于寶嚴院歲時祀之今  
廢號萬竹先生元之事親孝貧能輕財復喜言兵凡陰  
陽方技九流之說悉能究其指歸

陳居仁

陳居仁字安行父膏太府少卿壻慶歷汪先生家因占  
籍焉膏為御史時四明有僧法恩謀不執事露得其籍  
從附者萬餘人朝議將屠城膏力爭之止殲其首而在  
籍者亦俱免居仁登進士第丞相虞允文見而奇之欲

俾習兵法居仁謝曰立事功宜先定大計若大言無益也潁州韓元吉見其文宜為制誥翰林學士洪邁典貢舉居仁時為中書舍人命攝其事孝宗曰今兩制獨居仁奉行信官宜擇人醫王滌誤以藥進德壽官宮高宗崩議罪編置居仁率後省官事之卒杖都市酌筠州居仁言慶赦之弊僅足惠姦猾而小民不與願放下戶身丁稅以寬民力上從之歷知鄂州建寧府鎮江府福州為鎮江時有僧投牒言嘗結廬江潯地與江陰犬牙相

延祐四明志

卷

七

接率為邏卒煩擾不便居仁察其姦命尉掩捕其室得盜數人卒沒其居後以華文閣直學士卒于家謚文懿居仁孝友在官奉其叔父及甥妹以行斥腴田二頃為義莊以贍宗嫺舅尚書汪公大猷以學士致仕居城中居仁暨樓宣猷鑰皆汪出亦以直學士在家時人榮之

趙彥逾

趙彥逾字德老紹興十三年進士第作邑有吏能孝宗亟用之守蜀多惠政李心傳誌隆興以來蜀帥可稱者

數人彥逾與焉其在蜀餽遺不入公府將出蜀以其俸  
餘聚九縣之宗族分給之為工部尚書孝宗崩光宗以  
心疾不成能喪禮汝愚時為樞密彥逾勸汝愚立嘉王  
見殿前都指揮郭杲諭意杲未及對彥逾力責之杲始  
受命後推定策恩汝愚謂彥逾曰吾屬宗臣難議功未  
幾汝愚為丞相彥逾以端明殿學士出師蜀中始憾汝愚  
將行畫疏一時名士為汝愚黨慶元黨禁繇是丹彥逾  
後守鄉里觀文殿學士終于家子箴夫出守袁州寶慶  
初真文忠公德秀薦為廉吏第一

樓鑰

樓鑰字大防異孫舉進士中教官科為宗正丞時閩蜀  
士大夫各植黨與入對歷言前代朋黨之弊光宗即位  
為起居郎兼掌內外制光宗病不能持喪傳位皇太子  
鑰草詔曰雖喪紀自行于宮中然禮文難示于天下人  
服其婉遷給事中朱熹為侍講有旨除職與郡鑰言熹  
始除宮祠深駭觀聽復除職然聖意不在熹也然熹難



進易退孰若授以內祠仍畀脩史異日復侍講筵則君  
臣之道備時韓侂胄用事日貴臺臣希旨論汝愚言定  
鼎乘龍之夢語涉不道鑰曰嘗聞汝愚言夢先帝以金  
湯壺特賜之若是則謂之定鼎可乎又嘗夢會朝望白  
龍以升天未幾上袞服嗣位若是則謂之乘龍可乎吏  
部侍郎彭龜年入內殿力奏知閣韓侂胄擅權漸不可  
制上大怒黜龜年外除侂胄罷知閣進秩與祠鑰與林  
大中共疏言黃裳已死黃由守喪沈有開陳傅良相繼

延祐四明志

卷五

九

罷去凡此五人皆嘉郎舊臣惟龜年猶在今又去之則  
陛下舊寮無遺矣侂胄憾之不數日改吏部尚書實奪  
其言事也黨禁興即丐歸未幾遂致仕居家凡十有三  
年後侂胄嘗曰樓大防善士也何尺書不入都城耶且  
諭意鑰時聚書東樓逾萬卷皆手讐校盡善本客有願  
傳錄者輒欣然啟帙以授人有言太師語子弟相顧即  
索具紙筆鑰從屐中取顏氏家訓言士大夫晚歲名高  
事置紙上即入去客疑授某事入書櫝爭視之愧即撤

去紙墨須臾就坐客不敢言鑰亦不問即舉酒如平時  
嘉定元年以翰林學士召拜參知政事自號攻媿文集  
百二十卷謚宣獻鑰性樂易中原師友淵懿悉窮其淵  
奧經訓小學精據可傳信嘗定注春秋未脫藁守永嘉  
見陳傅良書已成即焚已作冠以叙引其伏善類此史  
彌遠用真德秀掌內制鑰所引薦德秀嘗曰聞公清言  
竟日或極論達旦退而書紳不為塗人之歸皆公教也  
子淳終屯田郎中其問學似其父幼子治終權兵部侍

延祐四明志

卷

十

郎

楊王休

楊王休字子美象山人初為黃巖尉邑有豪民植姦黨  
號三神王休捕得之具罪狀于府黜徙他鄉郡縣稱為  
鐵面少府授南康軍判官朱公熹時為郡事悉委之  
蠲經界賦後守揚州大興學宮考商于險塞以備邊  
邊絕餽遺唯軍用得取于公帑除利路轉運判官金州  
大災悉發庫錢賑之兼提點刑獄王休治蜀多善政大

修撰閣鑿鬼愁灘堰墓頤山分西城漢陰平利三邑馬  
網以便民築漢嘉西門石梁蜀民德之後為禮部侍郎  
光宗時名監司凡四人邱壘馬大同辛棄疾王休其一  
也子煜為吏部尚書後以問學士終于家

### 趙粹中

趙粹中字叔達其先密州人幼歲能詞章登進士科孝  
宗銳意復北疆虞允文王藺趙雄以言兵驟用粹中進  
恢復機密十論制狄權鑑四十卷富疆要策十卷孝宗

延祐四明志

卷五

士

亟喜之日歲九遷由祕書郎權起居郎給事中後除吏  
部侍郎所奏對多言邊防粹中嘗上疏罷王安石父子  
從祀乞正雪岳飛冤狀又集司馬光范鎮董弁等奏議  
正宋太祖東嚮之位議不行寧宗即位卒如其議後以  
待制知池州太閔軍校一日公用帑錢三百萬郡政修  
舉民生祠之後以遽卒獄夫出罷家居十年乃卒粹中  
善筆札子躡書似其父躡幼孤終身不肯仕嘗隱茅山  
欲為道士親黨共止之然卒不肯仕郡守屢薦于朝特

許循資樽亦謝不受

### 張良臣

張良臣字武子一字漢卿家供州父避寇來明州因占籍焉善為詩清刻高潔不蹈襲凡近凌厲音節讀者悲壯尤長于唐人絕句語雖盡而意益遠詩至于盛唐極矣杜牧之李商隱晚出以絕句為專門至宋王安石力倣之病多而不能終似黃庭堅以不使句俗為上律呂乖忤而體益變陳與義借古語為援不為事物牽掣似

### 延祐四明志

卷五

五

黃而益竒詩之變無餘蘊矣風雅道喪獨良臣穿幽納明復唐格律後宋人咸推復之而諸禪僧吟哦詠詠遂悉宗尚而詩稍復其變焉良臣子舉子業非所能隆興元年試南省魏文節公杞時為參詳攜三策以見知舉張燾曰此文拙古必故人張武子所作使欲得士願以進燾許之後撒試果良臣也杞晚居小溪山中日從酬唱其作詩或終歲不出一語官止監左藏庫詩集十卷至咸淳間彌甥徐直諒始裒刻于廣信郡

史彌遠

史彌遠字同叔忠定罷相歸東湖與弟彌堅先後生忠定深竒之嘗曰吾以不言兵後必有為宰相者二子優劣吾未能審也一日携客游湖寺二子從忠定陰戒從者進食踰晡時彌遠獨凝坐絕怒色忠定始異之登進士第折節下士與東萊呂祖謙相游從忠定下世以大理事司直遷諸王宮大小學教授出知池州提舉浙東常平入為起居郎兼資善堂及講權禮部侍郎韓侂胄為

延祐四明志

卷五

三

平章軍國事師敗江淮蜀吳曦反彌遠皇后子榮國公密議入啟皇后台夏震傳詔死死之初餘杭趙汝諧汝談集歷代皇后事號曰坤鑒進后禁中后頗向之會彌遠議誅侂胄后計遂決而汝談兄弟終彌遠世不得入朝嘉定元年知樞密院事後拜右丞相去偽學禁贈朱熹叙復故丞相趙汝愚呂祖泰等官召林大中樓鑰故老十五人入朝十五年皇子榮公薨立濟國公竑為皇子時彌遠相已久皇子在府中與左右陰言丞相輔政

有不便語寢聞丞相惡之乃密以越州宗室子與莒為  
沂王後更名貴誠援高宗立普安恩平二王故事將復  
立為皇子十七年八月會寧宗大漸亟白皇后言貴誠  
賢德皆先帝猶子遂宣遺詔立為皇太子即帝位是為  
理宗復為相十年紹定二年薨于賜第贈中書令追封  
衛王謚忠獻在相位二十六年其行事見宋史及羣賢  
奏議理宗特御製神道碑額曰公忠翊運定策元勳之  
碑子完之幼習明國家典制理宗入繼大統宅之甫弱  
延祐四明志

卷

七

冠預其議後官至同知樞密院事為戶部尚書括浙右  
田虛籍幾百里理宗大悅按其田皆諸道舊隸時始罷  
徵而田籍宋社亡猶在至今病之幼子守之官至觀文  
殿學士謙儉不自奉冬月居敗屋葛帳弊衾後疾革問  
疾者入臥室皆驚異之

### 張慮

張慮字子宓唐建中宰相謚之子家慈溪清水上莊號  
清水張氏家訓嚴整子孫多孝謹歲時田作無大小咸

承命有將赴南宮者宗長命曰第幾郎特免摘茶處習  
詩易復工詞賦寧宗即位為別院省試第一故事天子  
諒陰免策士潛邸進士當自陳陞名處不肯調臨江教  
授樓宣猷見而器之俾闔族子弟師事之暨為翰林學  
士復舉以自代為浙東安撫司屬官帥檄處剡縣督舊  
逋處謝不能除太學正叙遷博士時金將亡上疏言昔  
聞其衰則喜今聞其衰當愍今雖足以偷一時之安閒  
而所深防者實在于自治遷秘書丞兼王府教授以病

延祐四明志

卷五

五

疾出守南康郡見有朱文公議禮黃幹所刻而喪祭禮  
未備慮求善本補之改處州政不病民而除其病于民  
者性澹泊復奉祠家居端平元年天子遴選經筵官以  
國子司業兼侍講召處講月令至孟秋決獄訟必端平  
反復數百言復成月令解十二卷以進陞國子祭酒正  
工部侍郎一時冠帶諸生望之肅如也年八十卒復謚文

靖

袁韶

袁韶字彥淳幼從正獻公燮學於城南淳熙癸卯與鄉  
書明年當赴禮部願卒受業是歲闔郡上禮部俱不第  
公獨以舊牒登淳熙丁未第嘉泰中出為吳江丞蘇師  
旦恃韓侂胄威福撓里中役法黃公幹為常平使者檄  
公覆田以定役蘇密諭意言吳江多姻黨倘相容當薦  
為覆<sup>京</sup>朝官公不聽是歲更定文籍承徭賦者皆蘇黨蘇  
諷言將論去黃公丞以是事白于朝且欲薦之未幾蘇  
敗公得為桐廬宰相序多宗室持縣事無有善去者公

延祐四明志

卷五

六

始至絕謁莫敢撓錢唐岸歲為潮齧率取石桐廬備禦  
公言廟子山左右皆石不必旁取鄰郡遂得永免嘉定  
辛未召為太常寺主簿縣父老旗鼓蔽江以薦至于富  
陽泣謝曰吾曹不復輸石矣後為左司郎中接伴金使  
者使者索歲幣語慢甚公曰昔兩國誓約止令輸燕不  
聞有旨在汴使者語塞是歲真文忠公德秀亦言幣當  
絕公實啟之嘉定庚辰尹臨安自是幾十里獄訟清簡  
道不拾遺里巷爭呼為佛子所治疑獄不可勝紀至今



遺老猶能言之杭城多火災公至十歲無是患其後林  
介繼之法盡弛太室省部皆燼紹定戊子拜同知樞密  
院事李全反山陽時時相欲以靜鎮揚州告急飛檄載道  
杭州爭有逃避者拜浙西制置使仍治臨平以鎮遏公  
謁相言揚失守則京口不可保淮將如卞整崔福皆可  
用時崔奉間命來樞府公夜與同見相故事無暮謁相  
府公言崔實可用雅量鎮浮恐非今時所當先相疑逼  
已不悅卒罷政歸里端平奉祠薨時年七十有七贈少

延祐四明志

卷五

七

傳後以郊恩累贈太師國公

### 臧格

臧格字正子鄞縣人慶元五年進士第與慈溪張處為  
友處自以為不及也嘗曰正子才爽邁下筆痛快相從  
四十年與處守樸學者良異為太常丞定謚三先生周  
元公曰大哉元乎易為乾元之首春秋為始年之法天  
下之理蓋未嘗無其初也古道修明人心純一聖賢之  
功固無自而見不幸而渙散殫殘之餘有能復振遺響

俾絕者自我而續晦者自我而明是故有元之義焉孟軻氏沒異端滋熾重以專門于漢清設于晉至唐則文藝沈痼以迄五季之陋幾可于蠹蝕不存矣宋興鉅公諸人烏奕後先其聞道亦不淺大概更相推激不離乎字字論議之末而挈提宗旨有濂溪先生出焉先生則道學淵懿超然自達夔出乎萬物之表而其最深切者太極有圖所以法其理之幽秘易通有書所以闡其圖之精微圖有無窮之義書有不盡之言學者潛玩而服行

延祐四明志

卷五

六

之探二氣五行之運見中正仁義之本識人物動靜之別斷斷乎其有功于斯世也近世朱文公某張宣公某呂成公某尊敬斯學或列之篇詩或記于書後或辯于注釋之詳或嚴于問對之確先生之名益闢大光明於時矣謹按謚法主善行德曰元先生博學力行會道有元脈絡貫通上接乎洙泗滌緒精密下逮乎河洛以元易名庶幾百世之下知孟氏之後觀聖道者必有濂溪始謹議明道先生曰濂溪傳者有二程先生載惟二先

生天分不齊及其体道成德則同歸一致有司舉節惠之典既未從而厯然別三先生所得又豈容以差殊觀哉謹考先生窮理盡性開示後學後學浴國大師叶之公言以表其墓曰明道先生夫道之不明天寶憫之今天篤生賢哲資稟特异天意固有所屬矣居洛十年充養脩至融會貫通內外洞徹人見其氣貌肅然不敢即也而和氣充浹見面盎背遠色厲辭亡有也人見其接物粹然若可易也而望之崇深截截乎規矩準繩不敢

延祐四明志

卷五

九

慢也局度清越故世若將挽焉而克勤小物雖鄙賤猥瑣弗之憚也立言洒落近而易知扣之則無窮出之則愈新也切義先生者所見自不一而不知先生道積于中固純乎弗離也抑嘗究極先生之所以用力之地矣謂心不可以一事留謂學不可以一善止有適有莫戒非天下之清客氣未消防其為義理之勝至以至去新學之支離非釋氏之不相聯屬忌學者之先立標準斥記誦者之玩物喪志蓋圭角少露皆先生之所不預若訓

息為生則曰中無間斷推明易理即曰無間斷敬純入不  
已此天之所以為天也先生妙造義精義渾渾無涯其  
體統盡在是歟異時身居御史不用文字以懲詆訐之  
失元祐羣賢悲處散地先生獨有憂色使之協濟于朝  
以施調一之功安有紹聖報復之禍哉按諸謚法中正  
精粹曰純先生博大閑深與乾同体非中正精粹而何  
伊川先生狀其行曰純粹如良金呂本中據諸先賢之  
論曰溫然溫粹張宣公嘗為之贊亦曰會其純全今謚

延祐四明志

卷五

二十

以純庶足以核其實當伊川先生時講道一門天下皆  
知有河南二程之學明道早世天下學者以其事明道  
事伊川焉緬維伊川先生材資勁正法度森嚴凡所為  
造理淵源闡發微指者無非明天地之正理行天下之  
正道貫通融液有不待閑邪而誠自存者竊窺似墻方  
且自敬而又曰入道莫如敬不敬何以致知曰主一之  
謂敬不一則二三矣至于涵養則是敬急迫則非敬其  
著察之深似若一毫不敢少事先生之學專以敬為主

充養既至固宜粹然一出于正也由是用其所學上足以正君心下足以正人心先生被命經筵凡所建明殆不一疏宮庭至嚴闕也欲備知皇帝動息以隨事規切六宮起居有時也欲講官同日晉見從容納誨番直<sup>以</sup>冀數召輪侍以希陳說乞坐講以表崇儒之實不避嫌名以抑尊君之道凡所以薰陶人主之德性者固無嫌乎詳也每念先生一遇進講則宿齋預戒期以感動上心豈是求精於章句之末頰舌之嘵嘵哉當人欲蔽痼

延祐四明志

卷五

三

之餘必使天下知有大書<sup>學</sup>之書嘗攷易傳等書莫非經世之大法誨人之要說也然精微嚴密之旨所以扶世立教者惟上足以正君心下足以正人心指歸為宸切謹按謚法庶物從之曰正請謚以正孰曰不宜格久在郎署家貧願得補外史外丞相靳不與久之微有怨語丞相善鑒人蹙額曰臧君骨清非守上相吾遲遲不外除誠愛臧君今若是以鄉里旁近與之遂守台州迺吏至門果卒

陳卓

陳卓字立道居仁子甫歲登進士第宦意泊如也守江  
州寧國有清白名其守寧國也以中書舍人補外道  
繇臨安將之官丞相以故欲見之卓謝不往丞相深器  
之由是卒為翰院官李全反淮安朝廷靳護事益露卒  
褫全爵卓詔至淮人益自勵太罪災草罪已詔京師京  
感動丞相願貶秩由是詔端平元年鄭清之為相二年  
真德秀以翰林學士為參知正事卓為簽書樞密院事

延祐四明志

卷五

三

二制俱下未幾即丐祠歸里平生不營產業以贊書所  
酬金築世綸堂人或戲之曰此真金屋退居閱十有六  
年薨年八十有六謚清敏將葬事不能具丞相吳潛聞  
之為作書聞帥以助孫定孫侍祖父力學謹出處進退  
每怡色以告遂深奇之時其謚清敏也一時朝士皆後  
進定孫力請于朝卒得請其奉諱日哭泣薦祀如平生  
亦以耆年終

棲昉

樓昉字暘叔與弟昞俱以文名少從呂成公于婺其文  
浩汪洋浩博宜于論議援引叙說小能使之大而統宗據  
要風止水靜泊然不能以窺其渙故其從學者凡數百  
人最顯者鄭清之應傑鄭次申趙與懽善章表李璧黃  
裳為侍從所為文俱出昉手嘗編歷代文章為一編業  
進士者咸誦之宋世鄞士善論策台越進士歲率數十  
人來相從繇昉手守興化軍以卒清之既相追贈直龍  
圖閣卒其弟子祭于墓復立甬東書院

延祐四明志

卷五

三

袁甫

袁甫字廣微父正獻公教授城南年尚幼諭諸生以立  
志為先甫首領其旨後學問于慈湖楊先生先生曰學  
以自得為貴正獻之言也心明則本立矣繇是慨然以  
斯道自任舉進士第一為校書郎當遷願侍親東歸通  
判湖州十五年為外官守衢州饒州遷江東提典刑獄  
一以傳心為本講授者學復取孝經衍其說告于屬邑  
與象山脩白鹿為中庸評說而講明之朱陸之說分各

立黨與遂為之言曰道一而已和而不同乃所以和也  
道無終窮先賢之切磋有不同者將歸于一則未始不  
同也江東大饑所存活十餘萬人諸郡咸立嗣以奉端  
平元年始召為秘書少監以論史嵩之和議罷熙嘉元  
年除中書舍人復以和議論嵩之罷時金將已事類靖  
康戰非素技必曰和然正論者所恥後賈似道諱和國  
以亡而宋三百年卒未見以戰利二利俱難言也後除  
兵部侍郎兼給事中國子祭酒以權兵部尚書在位卒

延祐四明志

卷五

五

謚正肅居家嚴正中年絕嗜慾一室湛如子弟終日侍  
立未嘗有情容子從守永州善尺牘力倣其儀矩孫裒  
能詩文諳臺閣故事其亡也鄉里惜之

趙與懽

趙與懽字悅道父希言縣仁和有稱築臨平新堤護田  
四萬頃後為右司左丞相言楮幣必當便民舊幣誘民  
民何所用俸稍兩用官吏則猶當受之後奉祠以卒與  
懽美儀觀吐如鳴鐘相者言貴固在是然貧亦在是後



官節度使家資無百金餘希言知沂王嗣觀察使與言  
賢以告相丞相必善之先屬矣聞其語意益喜陰以  
托希言希言死寧命丞相召觀察入禁遂命與懽全同  
載以入繇是驟陞刑部郎凡所議擬理宗深信之金亡其  
歸明人集兩淮築館致餉不絕河南察罕范用吉求內  
附力言景侯之害理宗悟不受後至臨安上除受輔郡  
獻納與懽憂之願以酒稅羨餘充入又論財理之害為  
國危亡本罷諸郡獻納史嵩之起復三學交論上命與

延祐四明志

卷五

五

懽調護寢其事上言人言可畏非俾致仕不可後卒如  
其議善薦士馬光祖吳革李伯玉牟子才楊棟陳仲微  
後皆為大官侍經筵進春秋集解性孝友拜安德軍節  
度使戶部月以海艘致奉至則分三族合旁近宗黨完  
聚于家死之日貧不能葬理宗愍之賜田以養其子若  
干人贈太師謚清敏于孟傳壯歲守嚴州有廉直名屢  
守名郡必載弟妹以行車數十兩後為江東坑冶使者  
丞相賈似道同其至城下論去貧不能載其弟妹歸衆

咸憐之尹臨安受丞相陳宜中謀殛殿前率韓龍震黨率所部排禁城門以行晚守鄉郡臨安自紹興皆已納土謝太后詔諭自明繇台孟傳表如詔旨復以知宣府使守郡至元十五年世祖皇帝詔入覲拜浙東宣慰使以歸二十一年復召入都除集賢學士卒於都第三子孟何咸淳七年進士第通春秋去褒貶凡例為法度編陵楊年應龍以同年銘其墓曰吁嗟先生白首窮經無財而富無爵而榮

延祐四明志

卷五

五

### 史彌忠

史彌忠字良叔鄞縣人進士第初為鄂州咸寧尉官滿歸里橐中裝視之官時良多里人羨企之其父慚怒彌忠懇召里人畢集悉發篋以視皆書帙也監文思院門楊文元公署薦剡曰質直而才遜德無競宰廬陵邑有能名後守南安會盜甫平為政尚安輯蠲白撰錢以便民守吉州治如南安蠲田租十有八萬閱寇大作提舉福建常平益茶事薦陳樞密鞞為招捕事定功賞一不

受直文忠公時居建寧遺書美之時從弟彌遠久在相位數勸其歸年未七十首乞致仕後子嵩之為丞相除寶謨閣待制置除龍圖閣學士凡十一封至金紫光祿大夫夫婦就養相府數告歸遂除資政殿學士賜笏頭毬紋帶終于東湖之里贈少師保寧軍節度使鄭國公謚文靖初為尉咸寧趙方尉蒲圻己酉歲嵩之生庚戌歲方亦生子葵兩家交持羊酒相賀日者云二尉子皆極貴後彌忠薦方于朝為太師而嵩之葵范俱立功襄

延祐四明志

卷五

五

漢二子先後為丞相葵范端平開邊嵩之帥襄力言不可繇是交惡嵩之入相葵在外奉書幣于其父援鄂州事契怨稍解然亦竟不能平也嵩之別有傳

史彌堅

史彌堅字固叔忠定王浩之幼子少警敏端靜忠定奇之忠定召赴慶壽班退朝有憂色彌堅時侍側問其故忠定愀然曰李妃悍惡上欲廢之念未有以對即應曰嘉王即母位子位號必改正今所言議者當執咎忠定

愕然曰計得矣翌日見上議遂寢上問忠定鄉幼子當  
已擇婚對忠定謝臣子彌堅幼未知學何敢議婚事上  
曰朕兄女年相若朕定議成之兄女崇憲靖王伯圭女  
也後以軍器監尹臨安韓侂胄敗兄彌遠入相以嫌出  
為潭州湖南安撫使平湖寇羅孟傳守建寧行義倉法  
真文忠公紀責政績守鎮江力薦劉宰于朝以兄久相  
位勸歸不聽遂食祠祿于家十有六年判積神敏舊有  
書判清明集皆能吏極選彌堅與焉後以資政殿學士

延祐四明志

卷五

五

光祿大夫卒賜謚忠宣吳泳行詞有云在熙寧則不黨  
于熙寧如安國之于安石在元祐則不趨元祐如大臨  
之于大防

史嵩之

史嵩之字子申曾祖本建炎元年金人猝至率姑姊母  
妻五族暨其隣保航海得完者踰二千人本孫五人皆  
登進士第嵩之少儻喜經濟嘗與內弟陳埴講學山  
寺寺僧獻之嵩之怒夜焚其廬去後登第從父丞相彌

遠曰新調官當何如理之願官襄漢彌遠在相位最久  
向仕內郡實不知襄漢表裏心大喜即調為襄陽戶曹  
襄帥陳垓歲索調用增院塞丞相不能拒嵩之密疏地  
里言某地當撤戍某增防丞相如其言下之帥大驚軍  
弗費減十六不十年與垓為代端平二年趙范葵兄弟  
用師河南丞相鄭之之主簿議嵩之奏不可師大衄繇是  
三姓交惡拜叅知政事督視諸道兵拜丞相加都督嘉  
熙四年入相解光黃園渝州皆從之善用將士功然不

延祐四明志

卷五

元

不喜儒士迂緩會父彌忠交將起復三學交論之未幾  
臺諫合疏服闋勒致仕居家十三年以卒嵩之晚歲願  
守屬且圖江上陽羅堡為要塞後卒如其言增少師安  
德君節度使謚莊肅弟若之更四路安撫資政殿大學  
士

鄭清之

鄭清之字德源少母胡氏將就蓐三日甃鳴甫生嫡母  
欲不舉邱嫂邊氏請于舅姑願已乳之既貴奉邊氏如

母卒為之服朞以報授教峽州江陵帥趙方善風鑒皮  
夢有告者曰明日當有貴客至宜敬礼之遲明典客以  
峽州教授謁入方德廳屏窺清之狀貌顰瘠且短小殊  
不稱所教夢賓次坐逾日戾方往來益視清之危坐迄  
不惰方大器復設高會見其二子挾使受拜礼且曰公  
他日大貴願以累公後為宰相拔其二子曰葵為丞相  
曰范為襄陽帥缺師入洛皆葵范贊啟之初召為國  
子錄史丞相彌遠密語曰皇子濟國公未正儲號動止

延祐四明志

卷

三

躁淺似不宜負荷沂王宮新立嗣子容止端謹煩君為  
講官善輔導之既除魏憲憲王府教授寧宗崩以沂王  
所後子即帝位是為理宗寶慶元年除起居郎逾年權  
給事中進翰林學士未幾拜簽書樞密不十年為丞相  
遂召真德秀魏了翁崔與之趙汝設徐僞尤焞洪咨夔  
王遂李宗勉杜範游呂袁甫李韶九凡數十人為侍從  
官是為端平元年三年行明堂礼九月大雷電罷家居  
凡十年淳祐五年入朝拜奉國軍節度使兼侍讀七年

拜太傅右丞相九年進左丞相凡登相位雖老年章表  
皆手屬藁愛獎文士應傑為劉克莊嘗力薦力卒致大用  
端平初相四方稱為元祐及再相會行公田法新楮幣  
上方獨斷郡守大帥時有內署清之力不能止十一年  
薨贈尚書令魏郡王謚忠定

應傑

應傑字之道昌國人以詞賦試南省第一傑未第時表越  
公韶為京尹傑為之掌牋記留門下一夕坐有美堂欣

延祐四明志

卷五

三

然若自得同門客吳必大喜樂府暮從外歸而問曰何  
欣然也以擬明堂詔書屬對甚善答之吳哂曰一第脫  
饑寒猶未能明堂詔何施焉傑後直內制卒用所擬語  
而吳以樂府游公卿困蹟以死教授臨安府鄭丞相清  
之見其文竒之始叙為同舍生樓昉教授鄉里時傑最  
後至清之固不識也清之將拜相俾草相麻後卒用之  
傑以著作郎兼學士院權直端平開邊兵敗洛陽傑預  
遷議坐斥而清之亦罷相居東湖益與傑蒐拾文史號

建章集皆制誥所需也清之再相繼復用以侍郎尚掌  
內制力薦為內相理宗疑焉一夕召傑入院降詔游侶右  
丞相鄭清之奉國軍節度使兼侍讀趙與懽皇兄安得  
軍節度使開府儀同三司皇弟貴謙與芮授少保凡五  
制夜四鼓進入上始信之翌日即除翰林學士後拜叅  
知政事以疾告歸卒

范楷

范楷字子式鄞縣人嘉定元年登進士第調安慶府懷

延祐四明志

卷五

三

寧尉再授建康府轉般倉秩滿謁吏部時年六十袁越  
公韶與楷在淳熙間同予貢于鄉且同年生嘉定十二  
年越公已尹臨安一見越公吾老當歸第求一近缺以便  
養越公笑不答密薦于丞相改臨安府教授遷宗丞相  
權缺



余天錫

余天錫字純文文國人祖父滌教授使忠定子孫因居于鄆天錫亦教授其子忠獻家性謹愿絕不與外事忠獻器之是時忠獻在相位久皇子濟公深嫉之念欲有廢置而近屬無有會沂王宮無嗣丞相欲借是陰立為後備天錫試于鄉秋告歸丞相曰今沂王無後里中宗子族屬相似賢厚者幸具以來天錫絕江與越僧同舟舟抵西門天大雨僧言門左有全保長家可避雨如其

延祐四明志

卷五

三

言訪之保長知為丞相館下客具雞黍甚肅須臾有二子侍立全曰此吾外孫也日者嘗言二雛後極貴問其姓長曰趙與莒次日與莒天錫憶丞相所屬其號亦良是問其生年月日告于丞相丞相命二子來保長大喜鬻田治衣冠心為沂師後可冀也集姻黨且詫其遇以天行天錫見于相府丞相善相人大竒之計事泄不便遽復使歸保長大慙其鄉人亦竊笑之逾年相忽曰越二子可復來乎保長謝不肯相察諭曰二子長最貴宜撫

純父家遂載與歸母夫人朱氏為沐浴教字禮度益閑  
習未幾召入嗣沂邸迄即位是為理宗天錫嘉定十七  
年進士寶慶元年起除起居郎不數年拜叅知政事  
復守鄉郡母夫人封周楚國夫人壽過九十將以壽日  
拜天錫為相天錫以病卒贈太師謚忠惠弟天任為兵  
部尚書兄弟友恭方貧時率更衣而出終歲同衾蓋晚  
貴盛復約以昭穆同葬子尚賓能守孝謹從子晦尹臨  
安守蜀復守鄉里在蜀以違年論閬州王惟中死士論  
少之

延祐四明志

卷五

五

### 王擢

王擢字謙文其先開封人大父繇建炎渡江居于鄞擢  
博學耿介非其友不與語幼學于里師棲昉為文醇深  
善議論壯歲試祠學科不中輒棄去自誓曰吾它日必  
令二子業有成後登進士第同年余天錫叅知政事屬  
教其子弟歲終致束脩以謝堅不肯受拱立言曰二兒  
習詞學鄉里無完書願從公求尺牘往借周益公傳內

翰番陽三洪公暨往昔習詞學者凡二十餘家所藏書  
余欣然許之後二子果中科為安吉丞攝令長興捐俸  
俸賙水災再攝新城復斤餘財五萬緡作貧民賦遷國  
子正將作監主簿時丞相史嵩之為相乞補外以避通  
判婺州御史劉晉之誣衢州掾慮因受賕刑獄使者不  
直之命搗審寔搗言誠無是事晉之怒而婺之士民咸  
言搗處置寔當晉之不敢犯晉之蓋史相黨人也後攝  
郡去之日以羨財數十萬留于官改祕書丞後守徽州

延祐四明志

卷五

五

至郡廩亡三月儲暨解去粟支一年帛萬匹而所宜得  
錢復助少府用遷吏部郎中兼宗政殿說書疏言羣臣  
遜志之言多逆耳矯佛寔未之見其議剴切深中時病  
嘗預修四朝史為輿服志六卷後直祕閣知溫州長子  
應麟別傳次子應鳳與兄同日其學淹博精切為文詩  
詞操筆立就佐淮南牋記填安每入閣口占命吏即上  
馬去丞相知其能文詞召為太常博士將以內制處之  
甫入國門即死所為詞科文漢郡縣山川風俗記最詳

洽得文體

謝昌元

謝昌元字叔敬西蜀資州人幼歲見劉文節公光祖于簡州應對敏解為題扇贈之且勉以學見魏文靖公了翁復竒之類試四川第一調紹慶<sub>府</sub>教授後守施州築城以修禦開慶元年除太學博士遷太常博士知封州新學校提舉廣東平茶鹽奏蠲鹽銀以寬民力疏奏入不報捐奉卒代償之為沿海叅議官因家于鄞德祐元

延祐四明志

卷五

五

年以著作郎遷秘書少監當開慶初長子大椿挈其家屬來東南舟由鄂渚世祖帝時為大王駐兵于江潯獲其舟載以歸問大椿知為蜀士子甚愛之俾給事殿中十四年世祖平宋迺命子召昌元入朝上深竒之呼為南儒預議中書省事時南士為上所推重者曰青陽夢炎王虎臣暨昌元皆為尚書上既厭代是後南士郎署官亦不復用矣為禮部尚書上疏言增軍餉結民心除舊吏戢新軍上允其議又乞行選舉收遺書擇按察官

嚴贓吏法置登聞鼓院至元混一之際凡所朝議昌元諸人皆得預門後以老告歸卒葬于鄞

### 黃震

黃震字東發慈溪縣人中進士第為尉有能名後為史館檢閱以對言危亡災異在旦夕而緇黃出入宮禁亡節失朝廷度宗大怒之諭中書削秩罷丞相嘉其直出為通判廣德軍郡守賈蕃世丞相兄子也恃勢以喜怒決郡事震爭不屈後相知曲由兄子卒兩易為紹興府

延祐四明志

卷五

五

判未幾出守撫州兼提舉平常復兼提點刑獄時諸罷社倉法大弊震言法出三代猶有損益減息濟民青苗法非不善也弊卒不可救今社倉弊亦在是遂出所儲錢買田以代息撫人德之震為人清介自守臨川陸學傳四方震獨崇朱氏學其為文悉本之又尊其門人黃幹書錢梓于撫善論利害奏疏曲盡明暢人謂其甚似朱氏後為提舉浙江常平陞直寶章閣福王趙與芮判紹興朝命俾為長史以佐震不拜國事日蹙朝廷宰輔

爭避去震知不可為歸寶幢山中誓不入府城所居日  
湖圖籍器物爭掠取亦不問在史館時以鄉先生楊文  
元公張文靖公右軍統制吳從龍死事乞入史館每閱  
經史文集輒疏其精要辨論曰日抄若干卷春秋禮記  
皆為集傳其死也里人私謚之為文潔先生

陳肖孫

陳肖孫字伯巖中進士第鯁介清苦操筆決詞訟曲當  
事理賈似道咸淳為相不喜四明士獨黃震陳肖孫為

延祐四明志

卷五

三

名監司士論莫易也以提點刑獄守嘉禾郡帑不妄用  
絕贈送禮繇是蠲逋錢二十萬米四萬子姪合食唯蔬  
食脫粟人呼為菜湯知府會安吉寇作以措置失宜罷  
澤不及子朝議惜之遂官其子丞相署曰陳肖孫一廉  
可取當官其子年六十一終

袁洪

袁洪字季源七歲通詩書秋秋受春業王先生鑄父嚴州守  
奇之初父與柄臣賈氏同名遂拜屏居里益內治產

業父死後兄弟折貲產父事之盡力無私年十七以大父越公恩補官馬先祖守臨安徽為佐以敏達聞命徵責旁縣不受令禮部尚書李伯玉中書舍人劉震孫以治劇材薦佐兩浙轉運潛說友為轉運使檄督寧國絹十六萬自嘉熙以來名存實亡當取景定至今年逋潛恐數夥命它吏卒如所言胡太初刻削阿僻數謝病不許遷太社令時賈甚不樂四明人與同郡士六十餘人坐廢家居講學不及世務其畜德遠勢類如此賈乃悔

延祐四明志

起奉葉州雲臺觀祠祿調補通判建康慮囚旬容縱偽造楮幣連坐者二百餘人時大兵南下帥趙潛出督兵江上城中大駭夜縱火剽掠出郭去密捕守亂者數人斬之乃安諸將益桀傲請較射于是出私帑具賞先發三天三中衆大驚服潛遁諸將釋兵歸淮西總領費伯恭遁乃微服詣行在所屢遷咸不拜宋亡諸無賴搆陷衣冠陳泰議允平在陷中帥命招討王世強捕治于是儒服入白人情未安不絕告訐非所以示綏懷也帥悟

釋允平由是上變者輒斥去至元十五年入覲世祖皇帝召見授朝列大夫同知邵武路總管府事改溫並以疾辭二十七年侍御史程鉅夫奉旨求江南賢士徵以應詔辭不起迎師友好賓客喪葬婚嫁不能任者給財無靳疾疾則治藥以拯之人嘗有過者內愧誓伏然必委曲覆護不以罪之其累善積行此其類也大德二年改處州命下卒鄉人莫不垂涕泣陰德尤著云

### 汪之林

延祐四明志

卷五

四

汪之林字德仲尚書大猶之族孫幼歲見棲宣猷公言行淵懿善尺牘見後進道嘉言善行灑灑不倦舊與賈丞相游賈丞相少歲事游狎其母禁止之聞與德仲游不復語晚守汀州歸里自守貧益甚以終

### 蔣曉

蔣曉字堯臣伯父峴為諫議大夫以京官奏之謝不受後登第作邑有政聲為文勁正閱唐金石刻最多故其文時似之後以將作堅主簿終善威儀危坐終日不倦



所言皆唐宋遺事

節婦

冀國夫人葉氏慈溪人歸于史異公簡異公年二十五為縣從事尉受毆杖平民異公獨愍之以杖首雜朱殷以進初舉杖血流于尻尉怒以水文拭之誠偽尉益怒按安即以平民所受罪杖之罪數日死時夫人時二十有五有娠異公死且囑曰若女多嫁果男也幸謹視之之夫人泣受其言後得男曰詔鄰保咸曰汝家若是

延祐四明志

卷五

聖

祿中兒寧可恃耶夫人自誓不聽晝夜工紡績俾其子從師于鄉且曰讀書以行已為先操筆為文辭非聖賢本旨後其子訖為善士鄉黨化慕能使爭忿不直者皆自訟不復至縣庭夫人晚歲生理產益自裕養孤女數人俾有歸年八十六以終凡十八封至異國夫人詔以八行科舉不就後贈異國公鄉人稱為德行太師而史氏孫曾貴盛繇夫人始丞相三人浩彌遠嵩之執政二人才宅之視執政三人彌堅宇之岩待從二人彌大彌忠

忠待制二人彌正寬之卿四人彌堅志之望之定之宣  
之進士二十六人才浩彌大彌遠彌志彌愈彌遜彌謹彌  
志彌應彌鞏若之嵩之佺之望之及之本之能之胄之  
俊卿有之常之昂之介之蒙卿唐卿

### 孝行

楊慶鄞人父病貧不能召醫乃剔股肉啖之良愈其後  
輒以為常自紹聖至宣和封股乳割饋親者凡五最後  
母病不能食慶取右乳熬之以灰和藥進焉入口遂瘥

延祐四明志

卷五

三

久之乳復生每勝日輒以筍輿載母禱于阿育王山佛  
祠年六十餘視聽聰明負擔行遠如四十許人致和三  
年守棲异以事聞于朝不報名其坊曰崇孝紹興七年  
守仇愈申前請十二年有旨旌表門閭蠲免賦稅仇公  
愈曰韓退之作鄆人對以毀傷肢體為害義而匹夫單  
人身隔草莽執訓之理未宏汲引之徒多闕而乃行成  
于內情發自天使稍知詩禮義之說推其所存出身事  
主臨難伏節死義豈減介之推安金藏哉

孫之翰字文舉慈溪金川鄉鷄鳴山人少志乎學母疾  
革刲體取肝為鬻以進越夕母如醉自醒乃底于寧守  
趙伯圭將聞于朝文舉曰本心救親他無所覲守不奪  
其志六十六卒于嘉泰二年葬五磊山

張超昌國縣狀元東橋人家鬻素食為業超自幼孝年  
十九父縈患氣疾寢篤醫禱無效超乃炷香刲脇取肝  
煮鬻以進不踰日父病愈乾道二年十二月守趙伯圭  
舉揚慶例命縣厚加優恤嘉泰四年令葛洪與免徭役  
仍封植其父母墓禁採樵云

延祐四明志

卷五

三

吳璿定海人父璋以邊功補副尉璋妻朱氏病璿刲股  
療之而愈年九十三乃終璿與妻楊氏更病男安禮安  
時皆刲股以進安禮療其母且至再焉璿七十九乃終  
楊氏尚在年八十九矣前守李沐以聞于朝嘉泰三年  
有旨長吏常切存卹府命縣主王伯揆建崇孝門以旌  
之後令鄉逸師趙汝鑑重修

童八娘鄞之通遠建舉人居小溪朱氏崇孝庵之側一

日虎啣其祖父女手曳虎尾祔以身代虎為釋祖母啣女以去時侍郎林栗侍親官於此目擊茲事既而來守以聞于開朝未報而奉祠云

### 逸士

蔣宗霸周顯德初人為入慈善溫謹口誦摩訶鄉人稱之曰蔣摩訶時有僧游奉化寓岳林寺携布囊與六七小兒行歌于道曰顛狂彌勒隨所乞咸受囊中鄉人亦稱之曰布袋和尚摩訶心異之而摩訶布袋名益著與

### 延祐四明志

卷五

五

之處逾三年一日同宿張汀摩訶視布袋背有目布袋曰吾為汝所窺當去矣以吾布袋贈汝俾子代代為衣冠家布袋歸岳林坐逝葬封山後越帥遺介過蜀遇布袋道中卒舊游四明識之迺曰為吾謝摩訶相見以近願自愛歸至岳林道所以發官視之唯錫杖淨瓶焉卒遇摩訶述其語摩訶曰吾已知之一日造城別親友以逝好事者或曰布袋釋氏所謂彌勒也今岳林遂為布袋道場云

朱棣字彥誠鄞人初本江南士子靖康初家逃難伏林  
莽冒溪谷行抵明越之界萬山嵯峨望一石室壁立千  
仞規舍其中忽有老人曰此聖公巖也神人居之上每  
有金鼓聲且毒蛇猛獸守其窟烏可往棣不顧下吾止  
平地而遇寇必無幸者匿此中未必犯于是棄擔持糲  
泐崖魚貫而進居旬有五日絕無可怖者而罔領秀出  
泉石清泚真仙者所居殆忘其歸望崖竇數有異光心  
頗疑之因梯竹而上得一黑匣絨繡甚固一劍橫其外

延祐四明志

卷五

巽

啟視有書與印多言役鬼治病之術冠退奉之以去設  
壇而事之自是役鬼神如反掌最異者能遊魂盼脉人  
有病妻則盼其夫父則盼其子有祟則治以法之治之無崇  
吞符亦安合沙鄭瓚嘗伺其作法往觀焉見其据樓而  
坐運指于袖巽水于口以桃菊麾使而鬼神自至訊鞠  
論報若官府然問曰此何法也棣曰非法也周天大數  
也大衍所謂成變化而行鬼神也夫天地日月五星列  
宿與夫山川草木飛潛動植之屬不越乎是况于人乎况

于鬼神乎儒者知成變化而行鬼神之數則猶未之知也成變化者數之方也行鬼神之數數之圓也棣妻戴氏姓幼子神降于奉化張氏家言上帝使續棣法某日則生戴亦夢一道士穎有珠曰上帝使為子代天行法俄入于懷而生不血而火皮髮指甲猶三易其名曰定鄭瓚據其實託之蓋乾道七年也

延祐四明志

卷五

異

延祐四明志卷五